

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA**

Broj: T04 0 KT 0063716 25

Zenica, 29.12.2025. godine

OPĆINSKOM SUDU U ZAVIDOVIĆIMA
Sudiji za prethodno saslušanje
ZAVIDOVIĆI

Na osnovu člana 45 st.2. tačka h) u vezi sa članovima 241. stav 1. Zakona o krivičnom postupku FBiH, p o d i ž e m

O P T U Ź N I C U

Protiv:

I. S., ..., višestruko osuđivan za raznovrsna krivična djela na području BiH,

Što je:

dana 08.02.2024. godine obraćajući se dežurnoj službi PS Maglaj i pristupajući u službene prostorije PS Maglaj prijavio da je dana 19.12.2023. godine u mjestu ... općina Maglaj otuđena njegova vozačka dozvola broj: ... izdata od strane MUP ZDK, Odsjek za administraciju Maglaj, koja prijava je zavedena u evidenciju potraga za dokumentima pod rednim brojem ..., na osnovu čega je MUP Zenica, Uprava policije, PU III PS Maglaj na osnovu člana 17. Pravilnika o vozačkim dozvolama, a u skladu sa Zakonom o upravnom postupku izdala Potvrdu (o otuđenju - gubitku vozačke dozvole) broj: ... od 08.02.2024. godine, te je raspisana i operativna potraga broj: ... od 08.02.224. godine za navedenom vozačkom dozvolom, iako je bio svjestan da na navedeni način dovodi u zabludu službenike PS Maglaj na ovjeravanje neistinitog sadržaja u potvrdi o otuđenju-gubitku vozačke dozvole, a što je i htio, nakon čega je dana 25.09.2024. godine od strane Odsjeka za administraciju Maglaj, donesen zaključak o prinudnom oduzimanju vozačke dozvole izdate na ime I. S., serijskog broja: ..., pa je I. S. prilikom postupanja policijskih službenika PS Maglaj po ovom zaključku istima stavio na uvid naprijed navedenu potvrdu o otuđenju-gubitku vozačke dozvole, a provjerom je od strane PS Maglaj utvrđeno da od dana prijave gubitka vozačke dozvole do dana 17.02.2025. godine kada je obavljen razgovor sa I. S., isti nije podnosio zahtjev za izdavanje nove vozačke dozvole, da bi dana 23.02.2025. godine oko 30,30 sati u ulici ..., općina Maglaj prilikom kontrole učesnika u saobraćaju policijskim službenicima PS Maglaj koji su zaustavili vozilo marke VW registarskih oznaka ... kojim je on upravljao dao na uvid gore navedenu vozačku dozvolu serijskog broja: ... izdatu dana 23.03.2018. godine na njegovo ime sa rokom važenja do 23.03.2028. godine,

dakle, dovođenjem u zabludu policijske službenike PS Maglaj naveo ih na ovjeravanje neistinitog sadržaja u potvrdi o otuđenju-gubitku vozačke dozvole, sa namjerom da takvu potvrdu iskoristi kao dokaz u pravnom saobraćaju što je i učinio stavljajući na uvid potvrdu o otuđenju-gubitku vozačke dozvole,

čime je počinio krivično djelo „Ovjeravanje neistinitog sadržaja” iz člana 375. stav 2. u vezi sa stavom 1. KZ F BiH.